



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ**  
**ԳԼԽԱՎՈՐ ՔԱՐՏՈՒՂԱՐ**

Երևան-0010, Հանրապետության հր., Կառավարական տուն 3

«30» հուլիսի 2023 թ.

N. 2269-Ն

**Հ Ր Ա Մ Ա Ն**

«ԴՈՆԵՌ» ՍԱՀՄԱՆԱՓՈՒՄ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ Ը  
 ԳՆՈՒՄՆԵՐԻ ԳՈՐԾԸՆԹԱՅԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ  
 ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

Ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով և Հայաստանի Հանրապետության վարչապետի 2019 թվականի հունիսի 1-ի N 659-Լ որոշմամբ հաստատված հավելվածի 27-րդ կետի 10-րդ ենթակետի պահանջներով՝

**Պ Ա Ր Զ Վ Ե Ց**

**Գործի նախապատմությունը.**

Հայաստանի Հանրապետության տարածքային կառավարման և ենթակառուցվածքների նախարարության (այսուհետ՝ Պատվիրատու) կարիքների համար 2023թ. սեպտեմբերի 27-ին համակարգչային տեխնիկայի, օդորակիչների, ցանցային բաժանարարի և հոսանքի անխափան սնուցման սարքի ձեռքբերման նպատակով հայտարարվել է «ՏԿԵՆ-ԷԱՃԱՊԶԲ-23/25» ծածկագրով էլեկտրոնային աճուրդ գնման ընթացակարգ (այսուհետ՝ Ընթացակարգ)՝ 8 (ութ) չափաբաժնով, որն իրականացվել է eauction.armeps.am համակարգի (այսուհետ՝ Համակարգ) միջոցով:

Ընթացակարգի 6 (վեց) չափաբաժինների համար մասնակցության հայտ է ներկայացրել «ԴՈՆԵՌ» ՍՊ ընկերությունը (այսուհետ՝ Մասնակից): Ընթացակարգի գնահատող հանձնաժողովի (այսուհետ՝ Հանձնաժողով) կողմից 2023 թվականի հոկտեմբերի 19-ին տեղի ունեցած հայտերի բացման և գնահատման նիստի ընթացքում

արձանագրվել է, որ Մասնակցի կողմից ներկայացված հայտում առկա են մի շարք անհամապատասխանություններ հրավերի պահանջների նկատմամբ՝ մասնավորապես.

ա/ Հավելված 1-ը՝ էլեկտրոնային աճուրդին մասնակցելու դիմում հայտարարությունը, լրացվել է թերություններով և չի համապատասխանում Ընթացակարգի հրավերով սահմանված հավելված 1-ի լրացման պայմաններին,

բ/ Առաջարկվող ապրանքի ամբողջական նկարագիրը (տեխնիկական բնութագիր և այլն) չի լրացվել/մուտքագրվել համակարգ,

Հանձնաժողովի կողմից՝ հիմք ընդունելով Կարգի 41-րդ կետը՝ Մասնակցին տրվել է մեկ աշխատանքային օր ժամկետ՝ շտկելու արձանագրված անհամապատասխանությունները, սակայն վերջինիս կողմից շտկման արդյունքում ևս արձանագրվել են անհամապատասխանություններ տեխնիկական բնութագրում, ուստի Հանձնաժողովը 2023թ. հոկտեմբերի 23-ին տեղի ունեցած նիստում որոշում է կայացրել մերժել Մասնակցի կողմից ներկայացված հայտը և Ընթացակարգի 7-րդ և 8-րդ չափաբաժինները, որոնց մասով «ԴՈՆԵՌ» ՍՊ ընկերությունը եղել է հայտ ներկայացրած միակ մասնակից, հայտարարվել է չկայացած:

#### **Գործի քննության իրավական հիմքերը.**

«Գնումների մասին» ՀՀ օրենքի (այսուհետ՝ Օրենք) 3-րդ հոդվածի 2-րդ մասի 3-րդ կետի համաձայն՝ գնումների գործընթացին մասնակցելու իրավունք ունի ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

ՀՀ քաղաքացիական օրենսգրքի (այսուհետ՝ Օրենսգրք) 347-րդ հոդվածի համաձայն պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան: Օրենսգրքի 352-րդ հոդվածի համաձայն եթե պարտավորությունը նախատեսում է կամ հնարավորություն է ընձեռում որոշել դրա օրը կամ ժամանակահատվածը, ապա պարտավորությունը պետք է կատարվի այդ օրը կամ այդ ժամանակահատվածի ցանկացած պահին: Օրենսգրքի 408-րդ հոդվածի համաձայն Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:



Կարգի 41-րդ կետի համաձայն՝ Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 32-րդ կետի 19-րդ ենթակետի համաձայն, եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման կամ պայմանագրի ապահովումը կամ համաձայնագիրը կնքելու նպատակով պայմանագիրը կնքած անձը չի փոխարինում տուժանքի ձևով ներկայացված որակավորման կամ պայմանագրի ապահովումը, ապա այդ հանգամանքը համարվում է որպես գնման գործընթացի շրջանակում ստանձված պարտավորության խախտում:

Օրենքի 6-րդ հոդվածի 1-ին մասի 6-րդ կետի համաձայն՝ գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ)

որակավորման ապահովման գումարը, որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Նույն հոդվածի 2-րդ կետի համաձայն՝ նշված ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա:

Հիմք ընդունելով վերոնշյալ իրավական և փաստական հանգամանքները և ղեկավարվելով «Գնումների մասին» օրենքի 6-րդ հոդվածի 2-րդ մասով՝


**հրամայում եմ**

1. «ԴՈՆԵՌ» սահմանափակ պատասխանատվությամբ ընկերությանը ներառել գնումների գործընթացին մասնակցելու իրավունք չունեցող մասնակիցների ցուցակում 2 (երկու) տարի ժամկետով:

2. Հրամանը տրամադրվում է լիազորված մարմին (<< ֆինանսների նախարարությանը)՝ Մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար:

3. Սույն հրամանը ուժի մեջ է մտնում հաստատման պահից և կարող է բողոքարկվել դատական կարգով:

10/30/2023

X   
ԱՐԹՈՒՐ ԵՐԻՏՅԱՆ

**ԳԼԽԱՎՈՐ ՔԱՐՏՈՒՂԱՐ** Signed by: YERITSYAN ARTUR 1609770064

**Ա. ԵՐԻՏՅԱՆ**

**ք. Երևան**